

## **Fijian - Vakacegui Vola Tabu - Comfort Scriptures**

**2 Koronica 1:2-4 Me nomudou na loloma kei na vakacegu mai vua na Kalou o Tamada kei na Turaga o Jisu Karisito. 3 Me vakavinavinakataki na Kalou o koya na Tama Ni Noda Turaga o Jisu Karisito, na Tama ni Loloma ka Kalou ni veivakacegui, 4 O Koya sa vakacegui keitou ena neitou rarawa kecega, me keitou vakacegui ira sa rarawa ena dua na ka, ena veivakacegui keitou sa vakacegui kina mai vua na Kalou.**

**Vakaibalebale 15:13 Na yalo mamarau sa vakarairaivinakataka nai rairai ni tamata, Na yalo rarawa sa vakavorotaka na yalo.**

**1 Tui 8:66 Ena i matai ni siga, nai kawalu ni siga, na tui sa vakatalai ira yani na tamata, era sa vosa vakalouvinakataka na tui ka lako yani ki na nodra i tikotiko ni ra sa sinai ena reki kei na mamarau ena yalodra, ena vuku ni veika vivinaka sa cakava o Jiova vua na nona tamata o Tevita, vei ira talega na Isireli na nona tamata.**

**1 Veigauna 16:10 Me vaqoroqoroi ena Yacana tabu; Mera cakava na yalo sa reki o ira sa vakasaqarai Jiova!**

**Vakaibalebale 12:25 Na oca sa vakavuna na loma ocaoca, Na vosa vinaka sa vakavuna na marau.**

**Vakaibalebale 13:12 Sa tauvimate na yalo ni sa berabera tiko mai na ka sa nuitaki, Sa vunikau ni bula ni sa sotavi na gagadre.**

**Aisea 30:26 na qai vaka na rarama ni siga na rarama ni vula, kei na rarama ni matanisiga ena qai vakavitu, me tautauvata kei na rarama ni siga e vitu, ena gauna sa vauca kina o Jiova na nodra mavoa na Nona tamata ka vakabula na we ni kedra kuita.**

**Osea 13:8 Au na tarai ira me vaka na pera nona vakasaqara na kakana kei na luvena; Au na basuraka nodra sarisari, ka kanalaki ira me vaka na laione, kei ira na manumanu kila era na veiwaseyaka.**

**1 Samuela 1:8,10 Sa tukuna o Ilikena vei Ana na watina, "Na cava o sa tagi tiko kina? Na cava o sa sega ni kana tiko kina? Na cava o sa rui rarawa tiko kina? Au sa sega beka ni vinaka cake mai vei iratou na lewe tini na luvemu tagane?" 10 Sa bibi**

**vakalevu na yaloi Ana ka sa masu vakalevu vei Jiova ka tagi  
vakararawa sara.**

**Same 25:16,17 Na mataqu sa rai tikoga vei Jiova, ni sai Koya ga  
ena kauti au tani mai na lawa sa veitarovi. 16 Mo Ni vaka  
namata mai vei au Jiova, ka yalololoma mai, ni'u sa rui  
vakalolomataki.**

**Same 34:18 Sa voleka o Jiova vei ira sa ramusu na yalodra, sa  
vakabulai ira sa dasila na yalodra.**

**Same 38:8 Au sa sautanini vakalevu ka sega ni toso rawa. Au sa  
vutugu vakalevu ena vuku ni yavavala ni yaloqu.**

**Same 55:4 Sa mosi vakalevu na yaloqu e lomaqu, kei na rarawa  
ni mate sa lutuki au tiko.**

**Same 61:2,3 Mai nai yalayala kei vuravura au na tagi yani vei  
kemuni, sa sinai na yaloqu; mo Ni tuberi au ki na Vatu sa  
cecere mai vei au. 3 Ni Kemuni sai vakaruru vei au, ka koro ni  
vakatawa kaukauwa vei ira na meca.**

**Same 62:8 Oi kemudou na tamata, dou vakadinati koya ena  
gauna kecega; dou sovaraka na yalomudou. Sa noda i drodro  
na Kalou. Sela**

**Same 73:26 Na yagoqu kei na yaloqu sa malumu mai, Ia, na  
Kalou, sa kaukauwa ni noqu bula e loma, na noqui votavota me  
sega ni mudu.**

**Same 77:2,3 E na gauna dredre, au sa qarai Jiova, sa dodo tiko  
yani na ligaqu ena bogi tauoko ka sega ni cegu; Na yaloqu sa  
bese ni vakacegui. 3 Au sa nanuma na Kalou, ka vakayavalati;  
Au sa vakaiulubale, na yaloqu sa vakadrukai. Sela**

**Same 86:11 Mo ni vakavulica vei au na nomuni valavala, I  
Jiova, au na lako ena nomuni dina; vakaduavatataka na yaloqu  
me rerevaka na Yacamuni.**

**Same 109:22 Au sa rui dravudravua ka vakaloloma, Sa mavo  
tiko na yaloqu e lomaqu**

**Same 112:7,8 Ena sega ni rerevaka na ca ni sa yaco mai; Sa dei  
tiko na yalona, ni sa vakararavi tiko vei Jiova. 8 Sa tauoko na  
yalona, sa sega ni rere, me yacova ni sa raica na ka sa  
gadreva na yalona vei ira na kena meca.**

**Same 143:4 Sa luvuci vakalevu na yaloqu e lomaqu Sa mai leqa  
vakalevu kina na yaloqu.**

**Same 147:3 Sa vakabulai ira sa ramusu na yalodra ka vauca na**

**nodra mavo.**

**Vakaibalebale 14:30 Na yalovinaka sa ka e bula kina na yago, Na yalo ca sa vuca kina na sui.**

**Dauvunau 1:13 Au a sa vakarautaka na yaloqu me'u vakasaqara ka qara matua sara ena yalomatua me baleta na ka kecega ena rukui lomalagi oqo; e ka levu oqo, sa solia na Kalou vei ira na luve ni tamata, me ra cakacaka kina.**

**Dauvunau 2:10 Na ka kecega sa gadreva na mataqu, au sa sega ni maroroi au mai kina, au sa sega ni maroroya na yaloqu mai na ka ni marau ni sa marautaka na yaloqu na noqu oca kecega, oqo na i sau ni noqu oca kecega.**

**Dauvunau 2:22,23 Na cava na tamata ena nona cakacaka kece, kei na gu ni lomana, kei na nona oca kece ena ruku ni matanisiga oqo? 23 Sa rarawa ga ena nona veisiga kece, ena bogi sa sega ni cegu. Ni sa ka wale na ka kecega.**

**Dauvunau 11:10 Mo kauta tani na rarawa mai na yalomu, Mo kauta tani na ca mai na yagomu, Na gone kei na cauravou sa ka wale sara.**

**Aisea 30:29 Ena qai dua na nomudou sere me vaka ena bogi sa ia kina na solevu tabu, kei na reki vakayalo me vaka e dua sa uvu bitu ni sa lako tiko mai kina ulunivanua i Jiova, kivei Koya na kaukauwa Isireli.**

**Aisea 57:15 Ni sa tukuna vakaoqo o koya sa Levu ka Cecere sara o koya ka lewa na sega ni mudu ka yacana na Yalosavasava sara. "Au tiko ena vanua tabu ka cecere sara, vei koya sa ramusu ka malumalumu na yalona, me'u vakabulabulataka na yalo i koya sa yalomalumalumu, kei na noqu vakabulabulataka talega na yatoi koya sa bikai tu.**

**Aisea 65:14 Raica, o ira Noqu tamata era na sere ena yalo e marau, ia o iko o na tagi e na yalo e bibi, kei na tagi lagalaga ena rarama ni yalo.**

**Aisea 66:13,14 Me vaka na nona veivakamenemenei na tina ni gone, Au na vakayacora talega vaka kina, dou na maroroi vaka talega kina mai Jerusalemi." 14 Ni dou sa raica na ka oqo, me reki na yalomudou, ena qai tubu me bulabula mai na nomudou sui me vaka na co, ena kilai na ligai Jiova vei ira Nona tamata, na cudruvi vei ira na Kena meca.**

**Jeremaia 15:16 Sa kune na nomuni vosa, ia Au a kania; ka sa**

**yaco na nomuni vosa me ka ni reki kei na ka ni marau ki na lomaqu; Ni'u sa vakatokai e na Yacamuni, Jiova na Kalou ni lewe vuqa.**

**Jeremaia 24:7** 'Au na solia vei ira na yalo me ra kilai Au kina, ni sai Au o Jiova; la era na yaco me ra Noqu tamata, Ka'u na yaco Me'u nodra Kalou, ni ra na lesu mai vei Au e na lomadra dina.

**Joni 14:1** "Dou kua ni vakatara me leqa na yalomudou; dou vakabauta na Kalou, dou vakabauti Au talega.

**Joni 14:27** Au sa biuta tiko vei kemudou na veivakacegui. Na noqu veivakacegui Au sa solia vei kemudou; sa sega ni vaka sa solia o vuravura na veika Au sa solia vei kemudou. Me kua ni vakaleqai na yalomudou se mo dou rere.

**Joni 16:6** "Baleta ga Ni'u sa tukuna oqo vei kemudou, sa rarawa kina na yalomudou.

**Joni 16:22** "Oqo dou se rarawa tiko, ia, Au na raici kemudou tale ka na reki vakalevu sara na yalomudou kei na nomudou reki ena sega ni kau tani rawa mai vei kemudou.

**Cakacaka 2:46** Ena veisiga era lomavata mera guta na vale ni soro, era sota ena veivale mera dovi madrai, ni ra kania na kedra kakana sa dua na ka na levu ni nodra marautaka kei na vakavinavinaka.

**Roma 9:2** Au sa rarawa sara vakalevu ka vutugu na yaloqu.

**2 Koronica 2:4** Sa rui luluvu vakalevu na yaloqu, ka lomabibi, ena noqu vola yani vei kemudou nai vola oqo, e ka levu na noqu tagi, e sega ni ka mo dou rarawa kina, ia mo dou kila ga na levu ni noqu lomani kemudou.

**Efeso 5:19** ka dou veivosaki vakai kemudou ena same kei na sere, na sere e vakayalo, ka dou lagata na sere e rogorogo vinaka e lomamudou vua na Turaga,